

Morning Regional Dogri News Bulletin

13th July 2025

09-20 Hrs

Headlines

1. उपमुख्यमंत्री सुरिन्दर चौधरी होरें अखनूर अस्पताले च सेहत सुविधाएं दा निरीक्षण कीता, ग्रामीण इलाकें च लोकें गी सखल्ले डाक्टरी सुविधा उपलब्ध कराने पर जोर दित्ता।
2. मंत्री सकीना इत्तू होरें जेएलएनएम अस्पताले दे केई नमिं सेहत सुविधाएं दी शुरूआत कीती।
3. जम्मू कश्मीर पुलसै गांदरबल च पाकिस्तानी मकबूजा कश्मीर थमां होइयै आतंकी गतिविधियां चलाने आले आतंकवादिएं दी 3 करोड़ रपे कोला मती संपत्ति कुर्क कीती ऐ।
4. सख्त सुरक्षा बंदोबस्तें हेठ जम्मू थमां 7 ज्हार कोला मते श्रद्धालुएं दा इक होर जत्था अज्ज बडलै घाटी लेई रवाना होआ।
5. अध्यात्मिक सैलसफा गी बढ़ावा देने लेई श्री माता वैष्णो देवी श्राइन बोर्ड रियासी च 5 नमें मंदर श्रद्धालुएं दे नमित करग।

<><><><><><>

Dy CM Akhnoor(byte)

उपमुख्यमंत्री सुरिन्दर चौधरी होरें कल अखनूर दे उप-जिला अस्पताल दा दौरा कीता, मरीजें कन्नै गल्लबाट कीती ते उत्थें उपलब्ध सुविधाएं दा जायजा लैता। उनें ग्रामीण इलाकें च लोकें गी बेहतर सेहत सुविधाएं दी सखल्ली दस्तेयाबी जकीनी बनाने पर जोर दिंदे होई अस्पताल अमले गी निर्देश दित्ता जे अस्पताले च मरीजें दिएं जरूरतें ते सुविधाएं मूजब सेवाएं बक्खी चेचा ध्यान दित्ता जा

मगरा उपमुख्यमंत्री होरें गुरुद्वारा तपो अस्थान संत बाबा सुंदर सिंह जी, जाइयै उत्थें मत्था टेकेआ ते जम्मू कश्मीर च स्थाई रमानदारी ते खुशहाली दी प्रार्थना कीती। गुरुद्वारा कमेटी दी गुजारश पर उनें चनाव दरेश पर धार्मिक रस्में दी अदायगी लेई दरेया दे कंडे इक थड़ा बनाने लेई 1 करोड़ रपे दी मंजूरी दित्ती ते आखेआ जे एह्दे निर्माण कम्म लेई टेंडर जारी करने दा कम्म 20 जुलाई तगर करी लैता जा। उपमुख्यमंत्री होरें गुरुद्वारा साहब दे विकास ते इसी होर शैल सनाहाखड़ा बनाने लेई बाद्दू फंड दोआने दा भरोसा बी दोआया।

<><><><><><>

Itoo Allergies(byte)

सेहत सेवाएं आस्तै इक महत्वपूर्ण पैहल तैहत सेहत मंत्री सकीना इत्तू होरें श्रीनगर दे रैनावाड़ी च जवाहर लाल नेहरू मैमोरियल अस्पताल च ट्रिपल माइलस्टोन मोमेंट-2025 दा उद्घाटन कीता। कार्यक्रम च जेएलएनएम जर्नल इक स्नामकोतरअनुसंधान प्रस्तुति ते एलर्जी अलर्ट 2025 सम्मेलन दे शुभारंभ दा जश्न मनाया जेहदा तकसद एलर्जी ते उंदे शुरूआती विदान दे बारे च जागरूकता बधाना हा।

<><><><><><>

Property Attacked

जम्मू कश्मीर पुलस ते गांदरबल जिले च 3 करोड़20 लक्ख रपे मुल्ल दी अंचल संपत्तियां जब्त कीतियां न, जेहड़ियां एल्ले पाकिस्तान दे मकबूजा कब्जे आले जम्मू कश्मीर (पीओजेके) थमां होइयै आतंकी गतिविधियां चलाने आलें कन्नै जुड़ी दियां न। एह कारवाई 2009 च पुलस स्टेशन क्षीर भवानी च गैर कनूनी गतिविधियां (रोकथाम) अणिनियम दे तैहत दायर कीती गेदी एफआईआर कन्नै सरबंधत ऐ। गांदरबल पुलस ने आक्खेआ ऐ जे जब्त कीती गेदी जैदाद राष्ट्र विरोधी गतिविधिएं च लग्गे दे आतंकवादिएं दी मलकियत ऐ। यूएपीए दे तैहत इस महत्वपूर्ण कारवाई दा मकसद बप्पे पार आतंकवाद गी खत्म करना ऐ ते ओहदे समर्थकें खलाफ फैसलाकुन कारवाई करने दी सरकार दी वचनबद्धतागी पक्का करना ऐ।

<><><><><><>

Flood Mock Drill(byte)

राष्ट्रीय पन बिजली निगम एनएचपीसी सलाल पावर स्टेशन ते जिला प्रशासन रियासी आस्सेआ हाड़ें दी स्थिति कन्नै निबड़ने लेई इक मॉक ड्रिल अभ्यास कीता गेआ। डिप्टी कमीशनर निधि मलिक हुंदी अगुवाई व आयोजित इस अभ्यास गी पुलस ते केन्द्री थेआरबल बलें दे नेड़में सैहयोग कन्नै तोड़ चाढ़ेआ गेआ। मॉक ड्रिल दरान खतरे च फसे दे लोकें गी बचाने, मैडिकल इमर्जेंसी, डाक्टरी सहायता पजाने, भीड़ पर काबू पाने, गडिडएं दी आओजाई दी बवस्था ते होर केई सारी कारवाइएं गी अंजाम देने दा अभ्यास कीता गेआ।

<><><><><><>

Amarnath Yatra(byte)

जम्मू दे भगवती नगरा थ्वा 7 हजार 49 श्रद्धालुएं दा इक होर जत्था सख्त सुरश्रा बंदोबस्ते हेठ श्री अमरनाथ जी दी यात्रा लेई घाटी आस्तै रवाना होआ ऐ। एह जत्था बडलै 286 गड्डिए दे काफिले च सोआर होईए रवाना होआ। इस जत्थे च 5 हजार 459 मर्द, इक हजार 423 महिला, 31 बच्चे 107 साधु ते 29 साधवियां शामिल हियां। इन्दे चा 2 हजार 891 श्रद्धालु बालताल लेई ते 4 हजार 158 श्रद्धालु पहलगाम लेई रवाना होए न। ओह अपनी अगड़ी यात्रा शुरू करगंन। उत्साह कन्नै भरोचे दे किश यात्रिएं गलाया

<><><><><><>

Cleanliness Ramban(byte)

रामबन जिले च श्री अमरनाथ जी दे यात्रिएं दी सहूलत आस्तै साफ सफाई दे व्यापक उपाह लागू कीते गेदे न। पूरे जिले च बक्ख-बक्ख लंगर थाहरें ते रौहने आले केन्द्रें च गुसलखाने ते शौचालयें दे प्रबंधन ते रखरखाह आस्तै सैंकड़े कर्मिएं गी नियुक्त कीता गेआ ऐ। अधिकारिएं इनें सफाई पैहले दा समर्थन करने आस्तै लोड़चदी पानी सप्लाई दी गारंटी दित्ती ऐ। जिला प्रशासन तीर्थयात्रा दे दरान सब्बै यात्रिएं आस्तै साफ सुथरा ते आरामदायक वातावरण देने आस्तै समर्पत ऐ।

<><><><><><>

SMVD Temples

उपराज्यपाल मनोल सिन्हा हुंदी अगुवाई च अपनी 76मीं बैठक दे निर्देशें दे परैंत श्री माता वैष्णो देवी श्राइन बोर्ड अज्ज रियासी जिले च नमें बनाए गेदे 5एं मंदरें दा उद्घाटन करोग। श्राइन बोर्ड दे मुख कार्यकारी अधिकारी अंशुल गर्ग होरें दस्सेआ जे गोरता कालिका स्थान, डंगाकोट, टोट, देवीगढ़ ते चसाना दे मंदर नमें अध्यातमक केन्द्रें दे रूपै च कम्म करगंन। श्राइन बोर्ड दे अधिकारिएं ते स्थानी बसनीकें आलियां समितियां प्राण प्रतिष्ठा अनुष्ठानें दा प्रबंधन करगंन। इनें मंदरें दी पवित्रता गी बनाई रखने आस्तै सीसीटीवी कैमरेंबी लाए जांगन, तां जे इनें दूर-दरेड़ी थाहरें पर सुरक्षत ते अध्यातमक तीर्थ जकीनी बनी सकै।

<><><><><><>

Rangyug Chanchlo

डोगरी रंगमंच दे इतिहास च पैहली बारी जम्मू च 90एं मिंटे दा शानदार एकाकी नाटक दिखने गी मिलेआ। प्रस्तुति नै दर्शकें गी मोहत करी लैता ते खेत्तरी प्रदर्शन कला च इक महत्वपूर्ण मील दा पत्थर साबत होआ। रंगयुग आस्सेआ पेश कीते गेदे “चंचलो” नाटक ने जबरदस्त कारकरदगी, खेत्तरी भाषा ते समाजक रूप कन्नै जुड़ी दी कथा दे संयोजन कन्नै एकाकी कहानी कथन गी सब्बने शा अगगे आहन्नेआ। अनुभवी रंगमंच शख्सियत दीपक कुमार आस्सेआ डिजाइन ते निर्देशित ते जम्मू कश्मीर कला, संस्कृति ते भाषाएं दी अकैडमी आस्सेआ प्रायोजित “चंचलो” नादिरा जहीर बब्बर दे मशहूर हिंदी नाटक “सकुनाई” दा डोगरी रूपांतरण ऐ। आकाशवाणी समाचार कन्नै गल्ल करदे होई दीपक कुमार होरें आखेआ

<><><><><><>